

Karantez dreist kement zo a zo red er bed-ma :
Karantez d'ar vugale ha d'ho zud d'ho beva,
Karantez d'ar gristenien ouz Doue, oud ho bro,
Karantez a laz ar boan hag a drec'h ar maro.
Santez Anna venniget, etc.

Santez Anna venniget, selaouit oud pedenn
Merc'hed ha martoloded a zo gwir gristenien,
Ha kristenien e karfent kas d'ann nenv ho c'haloun,
Kén huel hag ar stered dreist gweled ar mor doun.
Santez Anna venniget, etc.

Ann tri dra a c'houlennomp zo red, 'vel a c'houzoc'h,
Evit harpa hor buez, beza hevel ouz-hoc'h :
Heuilla lezenn hon Doue, ha goude kaout anken
Mont d'ann nenv, santez Anna, d'ho meuli da viken.

Santez Anna venniget, selaouit oud pedenn
Merc'hed ha martoloded a zo gwir gristenien,
A c'houlenn ouz-hoc'h bemdez, oud ho merc'h Mamm Doue,
Douar ho bro pa varvint, Baradoz d'ho ene.

(PROPRIÉTÉ DE SAINTE-ANNE DE L'ÎLE DE BATZ.)


En cédant la propriété de ce Cantique à Sainte-Anne de l'île de Batz,
l'auteur désire qu'on n'y fasse jamais aucun changement ni dans le sens
ni dans les mots. G. M.

Brest. — Mouliet e ti F. Halégouët, ru Kleber, 31.

SN 2-2-001

KANTIK SANTEZ ANNA

ENN ILIZ SANT-PAOL E PENN'ENEZ-VAZ



Enn Iliz Paol e-kreiz ann tleaz,
Enn he zi-bedt e penn Baz,
Ann neb a bed santez Anna
Ne c'hoarvez drouk e-bed gant-ha.
KANTIK ALL-DA-SANTEZ ANNA.

WAR DON : *Santez Mari, Mamm Doue*

Santez Anna venniget, e'houi zo teir gweach euruz :
Pried Joasim, mamm Mari ha mamm-goz da Jezuz ;
Dreist-hoc'h n'euz bet, ne vezo e-touez an oll gragez,
War ann douar, enn nenvou, nemet ho merc'h Gwerc'hez.

DISKAN :

Santez Anna venniget, selaouit oud pedenn
Merc'hed ha martoloded a zo gwir gristenien,
A c'houlenn ouz-hoc'h bemdez, oud ho merc'h Mamm Doue,
Douar ho bro pa varvint, Baradoz d'ho ene.

Ho puez gant sant Joasim zo bet santel-meurbed :
Karet Doue, ober vad d'ar rê boaniet er bed ;
Ho madou e teir lodenn : unan roec'h d'ar beorien,
Ann eil a roec'h d'ann Iliz, ha beva gant e-ben.

Santez Anna venniget, etc.

Eunn eal deut a-berz Doue d'e-hoc'h a lavaraz
E vijec'h mamm da eur verc'h, eur verc'h a vije braz,
Eur verc'h hag a lakaje ann nenvou da gana,
Ann douar holl da dridall, an ifern da grenna.

Santez Anna venniget, etc.

Eul labour ar re gaera voa hen-nez da ober,
Genel ha sevel eur verc'h evit Mamm d'hor Zalver ;
Hag ho tivreac'h, ho kaloun, dre nerz Doue, zougaz
Divreac'h ha kaloun Mari da veza leun a c'hraz.

Santez Anna venniget, etc.

Skouer priefou ha mammoù oc'h bet hed ho puez,
Skouer euz a bep madelez ; — c'houi voa leun a druvez
Oc'h kement deu a welac'h e poan hag e glac'har ;
C'houi zo mad er Baradoz, evel war ann douar.

Santez Anna venniget, etc.

Ho madelez, ho kalloud a zo kresket zo-ken ;
Evit beza selaouet, n'ho peuz nemet goulenn.
Selaouit, santez Anna, pedenn tud Enez-Vaz,
Merc'hed ha martoloded e-kreiz poan ha mor braz.

Santez Anna venniget, etc.

Ama dirak hoc'h aoter, e penn iliz sant Paol,
Daoulinet braz ha bihan emaoamp o pedi holl,
O c'houlenn war ar bed-mâ digant ho madelez
Evit hon tud, évid-omp, nerz, feiz ha karantez.

Santez Anna venniget, etc.

Ann nerz-se a c'houlennomp a c'houzoc'h a zo red
Da verc'hed da labourat, ha d'ho martoloded
A rank mont pell dioud ho bro, ha pa ve rann-galoun,
Da veva pe da vervel war eur mor braz ha doun.

Santez Anna venniget, etc.

Santez Anna venniget, selaouit oud pedenn
Merc'hed ha martoloded a zo gwir gristenien,
A c'houlenn digan-e-hoc'h breur, map, pried ha tad
Hag a c'houezo da biou e vezo dlét ho mad.

Santez Anna venniget, etc.

Kaout feiz kre a c'houlennomp muioc'h eget madou,
Evit monf goude mervel d'ann nenv gant hon tadou ;
Feiz sant Paol Aurelien, kenta Eskop a Leon,
Marvet e-peniti-Baz ha choumet hor patron.

Santez Anna venniget, etc.

Santez Anna venniget, selaouit oud pedenn
Merc'hed ha martoloded a zo gwir gristenien,
Ha kristenien e c'houzont n'euz nerz evit padout,
Ma na deu ket feiz Jezuz da rei d'euzhi galloud.

Santez Anna venniget, etc.